

澤州府志卷之三十八

文苑

漢穎容字子嚴長平人博學尤善春秋著春秋條例五萬餘言舉孝廉公車徵之不起

後魏檀翥高平人少喪父好讀書善屬文爲世所重孝武時除中書舍人兼脩國史大統初以迎駕勲封高唐子

南北朝張文舉高平人通春秋三傳幼負才名時士翕然宗之性恬逸不樂仕進

隋王略高平人爲國子祭酒羽翼聖教闡發微言精易象春秋及遷史

宋李大節高平人唐韓王元嘉後長於春秋毛詩尤精天官地輿之奧志尚高潔耻爲一切巧僞之事里人推爲長德

澤州府志

卷之三十八

文苑

一

子旦孫異曾孫森元孫晏世躋顯仕

李異大節孫受韻於大愚公著切韻門庭傳世有二子長林舉進士次森年十八澤州發解第一補萊州文學別傳見孝義靖康之亂盜賊掠境森謂其渠長曰公第取財何害但勿殺人皆羅拜而退森長子曼稱賦材舉進士次子晏晏子仲略別傳曼子伯疇高才善屬文次中立舉進士一門累葉多以文學知名

金趙可字獻之號玉峯高平人貞元二年進士仕至翰林直學士高才博學卓犖不羈貞元時有聲場屋後入翰林一時誥詔及廟堂著作多屬起草流輩服其典瞻其歌詩樂府尤工著玉峰散人集子述永安中進士詞章字畫皆有父風性落魄嗜酒

盧洵高平人有詩學李晏見所作上梁文器之勉使就舉年六十一登科歷河南教授宜陽令有政績詩文推重於時劉昂霄字景元別字秀房陵川人父兪字彬叔明昌進士昂霄讀廣記半月能背誦元好問戲取市人日曆鱗雜米鹽者令讀之一過目無脫遺大率昂霄之學無所不闕六經百氏外世譜官制與兵家所以成敗者爲最詳爲人細瘦似不能勝衣好橫策兀坐掉頭吟諷幅巾奮袖談辭如雲四座聳聽禁不得語故評者謂王湯臣論人物李之純元談號稱獨步昂霄則兼衆人之所獨愈叩而愈無窮不知去古談士爲遠近餘子不論也嘗用門資叙調慶陽軍器庫使不就諸公方薦試宏辭已病卒臨終憂賦山泉云帶雲縈遠澗和月到疎林又云萬里馮唐老中年賈傳歸未

澤州府志

卷之三十八

文苑

二

幾下世年三十七

秦畧字簡夫陵川人父事軻有詩名工作大字簡夫少舉進士不中卽以詩爲業詩尚雕刻而不欲見斧鑿痕有自得之趣年六十七卒臨終留詩云軀殼羈棲宅兒孫邂逅恩雲山最佳處隨意著詩魂自號西溪老人有集行世

陳載高平人力學安貧日誦數千言明昌間舉經義第一人在翰苑十餘年著述甚富

申萬全高平人少有聲太學中貞祐間調福昌簿不赴隱居盧氏山中以讀書爲業攻詩知名人謂得之靜養者爲多正大中召爲史館編修

晁國章高平人甘貧嗜學不樂仕進教授生徒從遊者百餘人自律嚴整進退語默俱有矩矱諸生肅然敬畏邑之英

僦多所造就

宋景初高平人任平原教授以經術廸士歷宰晉城鄉寧平潭三邑後家居七年朝論高之擢國史編脩至諭德卒於官

元李純高平人父仲紳金奉政大夫純幼習父業常帶經而鋤中統庚申詣京執政者嘉其雄辯授中書遷臨漳簿元凱高平人有文學爲時稱譽隱居不仕以德義表率鄉閭著述窮極天人發前賢所未發士多傳誦之

衛元凱字舜舉陽城人性清介有學行積書盈室肆行博覽登元統間進士嗜學砥行以終

明宋之范嘉靖間以明經任深澤尹有雋才工詩文翰墨

郭昌嘉靖庚子舉人熟於掌故篤學能文後進成稟教訓不

澤州府志

卷之三十八

文苑

三

仕竟賈志歿

王讜字介石擅古文詞舊乘闕略讜廣采旁搜頗稱詳備以明經授萬泉訓導遷府教授

白象庚字長孺篤孝友少嗜學一時有藻博之譽早卒從父司寇孕謙銘其墓張大司徒慎言爲之傳

郭定成化乙未進士光州知州質子姿性穎異而好學不倦登第後宰執謂其文幹兩優官知州

李聰景泰癸酉舉人以孝友稱歷鄆縣慈谿訓導凡經指授悉有條理嘗訓學者曰爲學當以體驗擴充爲主一時士類務向實學在官二十年多所造就致政歸自託于章縫書史間遇事卓有裁制而禮度自嫻彬彬有古人之風

李灝沁水人聰長子大司農瀚兄也熟史學尤工詩不樂爲

舉子業居族黨雍睦謙讓不以門第驕人邑長至率先造請究問治術知無不言言無不盡所著有郊西吟稿時人號爲西郊處士

韓仰斗字仲濟沁水人性孝友取與言笑不苟布衣蔬食落落寡合與楊沁湄張藐山爲文字交居父通政范喪徒步京師叩闕請卹典服闕中副車益肆力於學博極羣書五十喪偶終身不娶雖暗室寬衣博帶如對大賓闖變移居入山日執一卷隨讀隨錄至耄不衰

國朝鳳臺陳昌言高平畢振姬陽城白孕謙沁水張道湜省志槩人文苑中與金之晁會李晏同今悉見列傳

國朝崔正岳字二室明崇禎九年拔貢授青城令有慈惠稱國初改滄州知州內艱歸淡泊如寒素己丑亂城中戒嚴決澤州府志

卷之三十八

文苑

四

謀發策坐臻宴安歿之日至貧不能營葬

張毓中字去偏明崇禎十二年舉人

國初入京授撫寧令歷刑部員外郎中遷鳳翔知府郡經亂後彫劫特甚東民新集土著慄慄不得安毓中治以寬平舉卓異卒于官推所廕予姪著有初尋草次尋草槭槭吟吳起鳳字九苞順治乙未進士端方博洽造就門下士授經者多獲雋任山東滕縣知縣清勤獨著以募船忤當事歸年六十九卒

吳天澤字商霖雋才工詩無意仕進伯兄疾與同卧起扶將之耄猶好學著書盈篋有南游草僅存草諸集

白象顥字沈仲順治丙戌舉人博學工詩文任崇信令時練餉當正賦之半民苦征輸紛紛逃亾乃爲稱貸起解民賴

以蘇靜寧州闕當事以其才檄署適安定監舊隸苑馬寺奉裁後地歸州以馬故賠累吏民交困象顛破產代償引疾歸里經旬捷戶手不停批凡經史百家及岐黃琴奕靡不覽究喜吟詠善飲晚益淫於書放于詩逃于酒所著有懷觀齋文集帝王年曆陽城詩鈔白氏一家言家譜勉齋續集

田宅中字黃甫邑諸生性至孝少孤竭力奉母甲申之變避亂山砦寇奄至一姑老且寡棄妻負姑走歿之日營葬於先人墓側爲苦節吟哀之博學彊記試輒高等十一下省闈不遇老於經師多所成就館穀所入悉以膳姊妹及諸甥喜爲古詩歌著有種書堂集

白方厚字叔將司寇孕謙少子天性孝友書史外無他慕嘗澤州府志

卷之三十八

文苑

五

曰文者道之華未有無得於身心而能臻其妙者以故於義理之學獨深早卒其父曰此子之志其不僅以世俗自結者也著有崇志堂草尋樂集

田洞字子遠康熙戊午舉人未及試南宮卒洞讀書制行期以古人爲法與弟沆澆同學於甬上陳太史錫嘏其所爲文競相傳寫陳太史傳曰子遠之立心行事神理骨相都無死法區區一舉似未足以酬其志

姬鼎燕孝廉顯廷子性簡介工詩著苦吟集陶州守自悅賞識之與纂州志

牛兆鼎兆捷弟少與兄同師事畢振姬博學工文纂輯左氏分國傳評騭莊子文選及李義山詩集皆發前古所未發繼堅毅與兄王瓊玷者三十年以文非甜俗者卒老於諸

生

王統廷瓚子歲貢生任偏頭所訓導博學能詩汪學使灝嘗贈詩云五岳名家良史學九州霸氣老詞壇

張元珍字在璞歲貢生學問淵雅品槩卓絕生平著作頗富樊王稷字占一歲貢年十四入泮十七食餼有聲庠序家貧嗜學每下筆不能自休性方嚴不詭隨俗人高其才行每以被容接爲幸

李廷棟貢生事母備極孝養長於書法任鄉寧訓導甫二年告歸尚羊詩酒間年九十餘卒

王衡字梅雪拔貢生事繼母曲盡孝道善書有晉人筆意

汪敏敦諸生姿性穎異善古文詞輒洋洋數百言如宿構游歷甚廣富於著述有燈花賦荔枝賦皇居賦澳門記羅浮

澤州府志

卷之三十八

文苑

六

山記多爲人傳誦

季恒字貞甫歲貢少無師承而卓然自拔陶刺史自悅引重之晚年所養益高學者稱爲蟄菴先生

樊度中字公時王稷次子拔貢生恬淡冲和蕭然自得古文詩歌格律清嚴午亭陳相國聘游京師名噪公卿間任定襄教諭諸生多被裁成告歸後避居山村足不入城市所著有圃餘集

張德渠道澁子廩貢生工文尤長詞賦所著有南華道德經解南村文集

張文炳字子潛陽城詩人白司寇東谷每稱之陳相國午亭序其詩曰子潛初困阨鬻豆腐於市無書籍筆札從鄰人借得書流觀掩卷不更尋誦若夙生所記手畫心溫精意

莽會當其得意茅店孤燈蟻輪馬磨躑躅行吟甕牖堵墻
歌聲出金石市兒俗子莫不哄笑司寇愛其門前芝草鹿
麋田之句故別字曰麋田相見後二十年自名其集曰喜
見吟法備味永芳外惠中所云喜見則余也往者曹郎鄭
寒村見梨洲黃公而悅之名集曰寒村見黃集自序云陳
後山年三十一見黃豫州盡棄其學而學焉寒村子見梨
洲亦三十一遂以見黃名集黃公遺老宿儒唱道於浙東
寒村子之名其文非直以其文之謂也余白首廢學而子
潛亦華顛窮老乃以見余爲喜誠出而交天下士如黃公
其人者見所未見其喜爲何如余不以爲媿而樂道之又
評其詩曰澹古圓潔如玉禾之露而濡潤豐美又如崑山
之脯元圃之藟子瓊康熙丁酉舉人

隱逸

北魏陸旭性雅淡好易緯候之學撰五星要訣及兩儀真圖頗得其指要太和中徵拜中書博士稍遷散騎常侍知天下將亂遂隱於太行山屢徵不起卒後贈并汾恒肆四州刺史

唐郭樸陵川人文學兼通孝友大著刺史屢荐不就逍遙泉石以此自終

司徒映初官太常卿太和中棄官歸里晦迹藏名有清望當道知聞屢起不仕

常况陽城人少隱王屋山孔述睿知其賢荐爲右拾遺不拜未幾以起居郎召居半載棄去徙家龍門累徵不起元和初强起諫議大夫無何復致仕况以貴胄厲志冲遠難進

澤州府志

卷之三十八

隱逸

八

易退不爲聲利所奪當世重其風操

趙令岳澤州人散騎常侍元方之子博極羣書文學爲一時冠雅志林泉德望茂著戒子孫曰五常不可失也時脩史有以學術薦者避不就

宋王載道沁水人少穎慧於書無所不窺宣和間以明經舉進士不第時金人南侵大河南北相繼陷沒遂隱於鹿臺山既耕且讀不問戶外後進多師事之金天眷中省檄屢辟卒不能致有思宋錄鹿臺詩卷藏於家學者高其行稱鹿臺先生

張宗古高平人幼負大志父母凶或勸之仕曰仕以行志也祿不逮親存吾志安乎居平篤行嫁宗之孤女五人瘞貧乏不能舉者十餘喪時族屬有官本土者屏居山澤不與

通罷官情禮款洽如初人稱真孝廉

都君錫陵川人博覽經籍隱邑南錦屏山縣令呂由庚荐不起一時名人谷漢臣高子美嘗就訪焉

金晁國章甘貧守道不樂仕進教授生徒從游者百人自律嚴整進退語默咸秉禮度士論翕然宗之方古逸民歿而崇祀鄉賢

張克柔高平人以理學自處性爽慨重然諾屏跡邱園孑然高蹈布衣蔬食處之晏如車騎過者往往式廬苟非其人則辭而避之

王照高平人質樸有古人風爲學一以理道爲準絕不事章句深居屏跡灌園種樹以送老每接人則稱說格言鄉閭感化無少長咸親之

澤州府志

卷之三十八

隱逸

九

元白處善澤州人性警敏有學行嘉遯不仕世祖高其志勅曰身都道義淡然無名利之心家富詩書樂矣有田園之趣賜號義安處士祀鄉賢

趙宗元澤州鄉貢工文詞山居高蹈一時學者多宗之號沙城野隱

李希白高平人有駿才時當元季謂鄉人曰此忠臣義士奮發之秋吾力不能而復覩顏事之恥也屏居絕迹罕與人接一時朝士亦隱知其名

元凱高平人文學重一時學者多出其門隱居教授鄉里遠邇皆歸其德義其所著歸極性命人多傳其能發前賢所未發云

張起巖號東崖嚴重寡合獨與韓維學爲忘年交元亂同隱

起龍山中維學亦少所許可獨推東巖云今之魏野也二人放歌自得脫然塵網所著有泫水倡和詩維學嘗著有野川文館碑

韓嗣宗號丹川隱士行事不槩見於其時亦避跡邱園者張才高平人與弟播齊各播登進士而才退隱志節卓然不厭藜藿嘗種瓜自給有竊瓜者反爲之開棘其人見之慙

謝

張汝弼高平人事親孝以能詩名世遁迹莒山嘯歌獨行性喜薇自號薇田扁其室曰薇齋

郝彛字仲常陵川人文忠公仲弟經明行修不仕

衛元凱字舜舉陽城人舉進士性清介粹然而儒行至元間罷科舉遂引退不出遺文多載石碣人傳誦焉

澤州府志

卷之三十八 隱逸

十

秦畧字簡夫陵川人父事軻有詩名畧少舉進士不中郎棄去不仕以詩名汾河間號西溪老人其臨終詩云軀殼羈栖宅兒孫邂逅息雲山最佳處隨意著詩覓子彥容爲黃冠中州集云

和居中陵川人性敏學博篤於友愛潛德弗耀而終

蘇叔華陵川人尚書萬初叔父遯野有詩名

明和元德陵川人以文行稱趙晉間常被薦入朝以疾辭結廬太行之顛題曰默齋明宋濂爲作銘云載藝文

陳錦高平人性高介不趨時好習舉子業耻事勦說退隱西山常曰修不必耀貴不必爵知不必人行不必身竟以此

終時高其操

尚寧一沁水人少慕嚴君平自號希平親亾建永思堂朝夕

莫忌有終身之戚避寇亂負木主行歸置祭田百畝義田五十畝訪辛全於絳州同韓青州居榭山多所考究白首友弟統一爲子貞元行冠禮時相劉荐修史授中書及崇禎時辟博學眞儒不赴隱歷山無疾而終著修齊格言百卷女則五卷

王克耘陽城人善詩賦不仕結知止齋藏修終身

李時芳字憲川陵川人世家子敦倫守道沁水孫尙書居相以靖節貞曜擬之卒後私謚孝靖文子

徐應奎字文徵陵川人瀟灑任達寄情詩酒爲百字歌以自況著有清居博採等集

馮竒遇號尹山隱蘇村力穡事以自給逍遙泉石間以終老邑人稱山中祭酒

澤州府志

卷之三十八

隱逸

十一

李培秀陵川人績學種文學使者延至汾河書院篤孝割股隱而弗彰逆闖亂遂岩居不出號孤山處士著孤山問業集羅人文沁水人初舉鄉薦甲申後棄去不復出以業醫爲生遂精於醫著醫案若干卷

補唐崔信明青州益都人強記美文章隋大業中爲堯城令竇建德僭號族弟敬素仕賊語信明令從之答曰申胥海隅釣師能固其節爾欲吾屈身賊中求斗筲耶遂踰城去隱太行貞觀六年有詔卽家拜興勢丞遷秦川令

元王翼字輔之陽城人性穎悟勤於學七歲常從師行有誦杜牧之華清宮詩後師舉似歷歷能道之師頗竒焉八歲能屬文旣長日記千言應進士舉因感疾遂留意于醫尤精於易占無不應于秀老德老二人處悟禪理太原公處

精術數誦古今才人詩得句法自著有古律詩三百餘篇
長短句二百首

郝思溫天挺之子經之父其先自八世而下皆同居業儒不
仕以淑其里思溫歿其徒相與號靜直處士何中郝思溫
大字歌注云號東山雪菴高弟詩曰東山手提雪菴筆筆
中出此萬鈎力重如岱岳鎮坤維竒如古鼎躡泗側點如
滄海之碣石直如參天之古栢曲如老龍恣盤挈橫如方
城立鐵壁快如大澤斬蛇劍妖夔幻魑爭辟易巨靈引指
太華擎三千獅子座舉臂可移得偶然揮毫出世間壯士
不能擲塵鶴銘摩崖碑後來者誰繼之我常見龍溪之字
大如箕五百年間無此竒雪菴老東山子優鉢曇花重現
世崑崙以爲筆東漢以爲硯青天以爲紙爲我寫太平兩

澤州府志

卷之三十八

隱逸

十三

大字持獻天皇九九八十一萬歲我歌爾字吾老矣

明王隆孝友謹信安貧好學無意仕進長於勸善鄉邑傾慕
有王彥方之風年八十餘攜冊諷詠嘗題希夷高卧圖以
自况其詩曰汴京龍虎風雲會華岳壺蘆日月長非是先
生真愛臙達人羞看利名忙又明初逸人王遜之相傳有
詩云勞身苦苦逐浮名身與浮名孰重輕身勞名得猶爲
可無奈身勞名不成亦見高致